

լուծութեան ենթարկուող բովանդակութիւն են առնում, պաշարում են մեր անհատականութիւնը, կլանում մեր թափը, եւ սակայն, բուն իրականութիւնը՝ ներուժ համադրութեան եւ ստեղծագործական անտեսանելի թռիչքը՝ մընում է հեռու:

\* \* \*

Կազմաւորների վրայ արագելիներէ մեծ բոյները դատարկ են: Մերկացած ճիւղերը մխրճուել են սառը լոյսի մէջ: Այդիների դրոներէ վրայ մեծ փայտեր են դաճել: Ամէն ինչ փակ է: Թաղուած որթերը հրաժեշտ են տուել լոյսին ու երկար ամիսներ պիտի պատրաստուեն ծյարձակման տօնին: Պիտի ներկայանան արեւին դուարթ, բեղմնաւորուած, պատրաստ իրենց ճակատագիրը իրականացնելու համար:

Վաղը, երբ վերադառնայ դարունը, երբ Արարատը վար ձգէ իր բլուրեղեայ պատմուճանը եւ Գեղամայ լեռների վրայից բոցեռանդ հովեր անցնեն, հողի տակ արմատները պիտի խենթանան, հիւթերը եւ աւիշները պիտի եռան, սերմերը պիտի պայթին, ու ամէն ինչ պիտի ծաղկի, լեցուի կեանքով, մապցի արեւի ճառագայթների վրայ եւ բացուի երկներանդ դոյներով:

Իսկ մեր այգին դեռ թաղուած է: Հայ ոգու որթեկներն ծածկուած է հողով: Դռան վրայ խաչաձեւուած փայտեր են դաճուած: Ամէն ինչ փակ է:

Մեր ենթադիտակցութեան մէջ ծփում են հակասական ուժեր, եւ մեր իմացականութիւնը՝ կամ հողմերի դէմ պայքարող թոյլ թեւեր է պարզում կամ ուրիշի բոյնի մէջ իր հաւելիթներն է գետեղում:

Դարերի միջից, մենք անցնում ենք պատմութեան կողմնու ճանապարհների վրայից, արիւնած, չարչարուած ոտքերով, եւ չենք հասնում մեր իրականութեան, մեր սեփական, հոգեկան աշխարհին:

Եւ սակայն, եթէ քարը նետես անդունդի մէջ՝ արձագանգները կ'արթնանան:

Բայց անդունդին պէտք է կարողանալ մօտենալ: Ահա ամբողջ հարցը դրա մէջ է: Գտնել ըմբոնողութեան հարազատ ձեւը ու մօտենալ՝ առանց որ գլուխը պտտի եւ աչքերը սեւանան:

Մօտենալ մերկ սրտով եւ պայծառ աչքով: Մեր ամենամեծ թշնամիները իմաստակ-

ներն եղած են: Գէշ պարտիզպանները: Նրանք, որ ուրիշների աչքերն են փոխ առած, որովհետեւ չունին սեփական աչք, ուրիշի սիրտը, որովհետեւ չունին սեփական սիրտ, ուրիշի խելքը, որովհետեւ չունին սեփական խելք:

Այդ այլեւս պարզ է: Պարզ է, որ մենք ոչ մեր պատմութիւնով, ոչ մեր ճակատագրով եւ ոչ մեր «աւանդական բովանդակութիւնով» ուրիշ ժողովուրդներին չենք նմանում: Լաւ ենք թէ վատ ենք, չզիտեմ, բայց այդպէս ենք:

Մինչ, ահա —

Կշիռքը եւ չափը բռնած, իջել են փոքրիկ մարդիկ, արտասանում են դիտութեան վերջին խօսքերը, իմացականութեան վերջին դիտը, փիլիսոփայութեան վերջին ճշմարտութիւնը եւ ուզում են չափել անդունդը, կշռել արձագանգը:

\* \* \*

Արժէ՞ ցնալ էջմիածին:

Պատմում են, որ մի մարդ, լուսարացին, ճանապարհ էր ընկել իր նշանածի մօտ դնալու համար: Նշանածը ապրում էր հեռաւոր մի դիւղում, մեծ, խիտ անտառի միւս ծայրում:

Գնում էր մարդը երազելով, ուրախ, սիրով լեցուն: Նրան սպասում էր սիրած աղջիկը, կանացիութեան աստուածային արտայայտութիւնը, երջանիկ նպատակը: Նա ամբողջովին սէր էր եւ յոյզ, ու սիրտը բացել էր իր թեւերը ամբողջ աշխարհը ընդգրկելու համար: Ի՞նչ բախտաւոր ճամբորդութիւն: Ահա նա, իր մեծ եւ պայծառ աչքերով, իր ճառագայթող երկար վարսերով, հրեշտակային դէմքով՝ արեւային, համեստ, սուրբ:

Մինչ մարդը երազում էր այդպէս, մէկ էլ տեսաւ, որ իր սիրած աղջիկը մեղմաճեմ դընում է իր հետ: Չարմաղաւ եւ հարցրեց.

— Ինչպէ՞ս է որ դու այստեղ ես, իմ սիրելիս:

— Նշանածդ, — պատասխանեց աղջիկը, — սպասում է քեզ իր տանը:

— Ուրեմն դու չե՞ս այն, որին ընտրած եմ իրր իմ երջանկութեան նպատակը:

— Նշանածդ քեզ սպասում է իր հօրը տանը, իսկ ես այն եմ, որին սիրում ես եւ զալիս եմ քեզ հետ:

Մարդը շփոթուած եւ զարմացած չէր կարողանում իրեն բացատրել այս տարօրինակ